

საქართველოს
თავდაცვის მინისტრის
ბრძანება №1
2025 წლის 24 იანვარი
ქ. თბილისი

„სამხედრო პოლიციის თანამშრომელთა სამსახურის გავლის წესის შესახებ“ საქართველოს თავდაცვის მინისტრის 2011 წლის 21 ივლისის №582 ბრძანებაში ცვლილების შეტანის თაობაზე „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის თანახმად, ვბრძანებ:

მუხლი 1

„სამხედრო პოლიციის თანამშრომელთა სამსახურის გავლის წესის შესახებ“ საქართველოს თავდაცვის მინისტრის 2011 წლის 21 ივლისის №582 ბრძანებით (ვებგვერდი, 21/07/2011, სარეგისტრაციო კოდი: 120010000.22.026.016060) დამტკიცებულ სამხედრო პოლიციის თანამშრომელთა სამსახურის გავლის წესში შეტანილ იქნეს შემდეგი ცვლილება:

1. 13¹ მუხლის შემდეგ დაემატოს შემდეგი შინაარსის 13² მუხლი:

„მუხლი 13². სპეციალური წოდების მქონე მოსამსახურეთა ზღვრული ასაკი

1. სპეციალური წოდების მქონე მოსამსახურეთა ზღვრული ასაკია:

ა) უმცროსი და საშუალო სპეციალური წოდების მქონე მოსამსახურეებისთვის – 55 წელი;

ბ) უფროსი სპეციალური წოდების მქონე მოსამსახურეებისთვის – 60 წელი;

გ) უმაღლესი სპეციალური წოდების მქონე მოსამსახურეებისთვის – 65 წელი.

2. სამსახურებრივი ინტერესებიდან გამომდინარე, უფროსი (მხოლოდ პოლკოვნიკი) და უმაღლესი სპეციალური წოდების მქონე მოსამსახურეებს საკუთარი სურვილითა და მინისტრის თანხმობით, სამსახურის ვადა ზღვრულ ასაკს ზევით შეიძლება გაუგრძელებდეთ 5 წლამდე ვადით.“.

2. მე-14 მუხლის მე-2 პუნქტის „დ“ ქვეპუნქტის შემდეგ დაემატოს შემდეგი შინაარსის „დ¹“ ქვეპუნქტი:

„დ¹) ზღვრული ასაკის მიღწევის გამო;“.

მუხლი 2

ამ ბრძანების მოქმედება ასევე ვრცელდება ამ ბრძანების ამოქმედებამდე სამხედრო პოლიციაში დანიშნულ მოსამსახურეზე (სპეციალური წოდების მქონე პირზე).

მუხლი 3

ეს ბრძანება ამოქმედდეს 2025 წლის 1 მარტიდან.

საქართველოს თავდაცვის მინისტრი

ირაკლი ჩიქოვანი

